

劫

餘

詩

選

劫餘詩選卷八

葵源 齊學裘 子治

丁卯八月初七日同于夢巖重登靖海樓爲恆光

長老作畫

八月重登樓遐觀萬里秋雄風吹地轉遠海拍天流
久客同飛燕長歌異飯牛老僧留啜茗乘興畫滄洲

寄于漢卿袁浦

秋風驅暑去老朽滯天涯兩月不相見香巖開桂花
同歌陰雨窘獨起故巢嗟何日重攜手尋源又泛槎

同戴毓文爾彬一琴諸君游吳陵古松林庵作

吳淩幸遇故鄉親策杖從遊不厭頻年近古稀難作客
時當世亂險爲人雲山千里家何遠風雨重陽節又新
莫怪松庵談不了相逢能得幾良辰

重陽前一日同親友遊小有天園西山白雲寺作

詩四首

好友真難得良辰莫放過尋幽忘遠近選勝入烟蘿鶴
訝詩人老蟲鳴秋思多園林清且曠試問興如何

亭留佳客憇聽我說黃山雲海卅年別杖藜何日還秋
花紅爛漫好鳥語綿蠻今古橋邊望西山擁翠鬟

脩竹鬱參天高僧去杳然無言三佛坐普照一燈懸寂

寂人聲絕飛飛翠羽穿白雲自來往不受世人憐
去去頻回首旗亭風景佳舊題猶在壁遲唱尙縈懷明
日重陽節登高何處厓盍將十日醉痛飲慰吾儕

九日登泰州城樓

悲秋客最怯重陽我到登高興倍狂吹帽不須羞髮短
離家何必計途長詩人自合天涯老叢菊猶留晚節香
白日看雲憶諸弟蛟橋鶴市總難忘

三五弟居吳門
四弟居陽羨

次韻奉和戴彝齋明經

鼎銘

送別之作

不才敢薄世間名秀毓沖峯羨戴生大海波濶文可敵
青天風日氣俱清賓鴻一一謀梁稻官柳依依係別情

老我馳驅添我興吟君佳句到天明

遣懷用彝齋遣懷原韻

物外逍遙不記年那知白髮已蕭然伊人秋水歌三疊
匹馬西風快一鞭老朽何能詩律細困窮猶喜此心便
淵明乞食成千古時蹇時通總聽天

揚州道中寄贈戴維莘明經

鴻澤

吳陵

君家在巖前我家在沖田相去十五里姻亞瑣瑣聯作
客各他鄉相知不相見忽地來吳陵不期而覲面相過
慰寂寥前緣幸不慳兩載如一朝談笑忘老孱君心菩
薩心君性烈士性客氣時相乘因之以致病服藥以療

疾不如養氣佳積善有餘慶樂天開好懷君家千里駒
才華珠與玉轉瞬步青雲有子萬事足崢嶸露頭角消
閒課雨孫田園未荒蕪松菊今猶存曷不賦歸歎深林
堪採藥明月戀二分北山怨猿鶴先人敝廬在問我胡
不歸仰天笑不答鄉思逐雲飛今我渡江去思君不能
已待到一陽生與君談海市

九月二十六日瓜步渡江至丹徒

江水流不息人生胡有涯風平浪自靜心曠境逾佳一
葉渡深險千山開好懷乾坤皆泡影何必問形骸
未能除結習文字與山川兩點金焦勝看來五十年名

流秋葉落野老春蠶眠劫石歸巖谷寶光騰九天

亂後余到

吳門搜尋舊刻大土石像東坡像焦山圖詠先大夫焦山唱和詩石刻共二十餘條石板送入焦山定慧寺交芥航上人收藏作歌紀事

九月二十九日和豐橋與楊堯門話別

銅官玉女雲端笑雨箇詩狂白髮生天下幾人知伯起

山中惟我慕君平歸來陽羨堪娛老揀揣陰符久有聲

對酒高歌同一醉明朝勞燕各分程

君就養浙江我訪友滬上

松江舟中遣懷卽寄故人應敏齋觀察

秋氣感人深秋心知我心西風吹落葉冷雨打疏林久
失江郎筆徒攜海上琴尋仙不辭遠一瞥去來今

不知老將至海上訪朋來千里好風送一寒疎雨催淵
明猶乞食杜甫獨憐才重與論文日難辭酒一盃
忘却雲泥隔相逢情自真知君重氣義視我逾恆人先
集謀重梓菟裘要卜鄰餘生出虎口坎壈更纏身

年老心猶壯時移運尙通故人正當路一笑忘途窮晚
景能多日生涯聽太空蓬萊如許到送我一帆風

滬上喜晤余蓮村茂才

治作詩贈之

十年未見蓮村面劫後相逢似夢中學究清源兼正本
心求化俗與移風歌謠里巷開龔瞞旋轉人情入聖功
安老信朋復懷少惟君真不愧蒼穹

十月十五日滬上喜晤余甥仲巍茂才

錫昌

十載難相見不期逢上洋舅甥終有別離索總堪傷且
醉旗亭酒同觀傀儡場眼前歌舞地幾度變滄桑
年已古稀近家猶萍梗飄雲間攜鶴子海上聽風潮晚
景萬緣寂故鄉千里遙渭陽謫送舅令我更魂銷

應敏齋廉訪留住藥珠宮南園賦詩題壁四首

故人知我喜清幽送入珠宮客且休暫作頑仙居福地
何期暮景到瀛洲一灣流水容魚躍萬里雲霄任鶴游
衣有芰荷餐有菊永朝永夕復何求

龍門原許鯉魚跳豈畏長途千里遙人與黃花爭晚節

天教白髮老今宵劫餘不識家何處身外空存詩滿瓢
笑我年來成谷鳥嚶嚶求友要遷喬

莫道衰年怕受恩百千萬劫告無門拾遺廣廈何妨住
少傅大裘更覺溫名宦多情好賓客詩人無福享田園
明朝事聽天安置且盡燈前酒一尊

平生最恥受人憐識分安貧自樂天淚灑蒿萊傷浩劫
心驚風木感殘年論交湖海存知己閱歷滄桑合羨仙
此去蓬山應不遠槎乘弱水渡三千

南園遣懷和曹海翁

樹珊

學博述懷詩韻二首

一身輕幸我無官那有煩憂集百端竹葉醉人忘卻老

劫餘詩選

卷八

五

梅花知我也禁寒
明年未卜棲何處
來日不須愁大難
羸固欣然敗亦喜
斧柯已爛局將殘

李杜文章敢望攀
好吟聊破客中閒
琴橫海國彈流水
榻下珠宮夢故山
舊雨多情投好句
春風滿座解愁顏
休談陽羨田園事
眼底滄桑幾轉環

南園遣興卽和賈君雲階履上六十述懷四律原

韻

畫溪溪畔一漁翁

余自號畫溪漁者

不慣人前學鞠躬
敢謂識

途如老馬那堪吟
砌作寒蟲筆花飄
落成紅雨劍氣飛
騰化白虹解脫根
塵期務盡心無罣
礙樂無窮

陽羨荒田尚可屯
家人生產憚勞煩
百年易醒盧生夢
一飯難忘漂母恩
除却靈光無不味
曠觀大塊有何存
笑余歷劫長爲客
老向天涯戀飽溫

還家夢斷怨鶯兒
風雨羅浮合復離
山下有薪翁克負
甌中無米婦難炊
蹉跎歲月空懷舊
鼓舞昇平幸在斯

應廉訪新設龍門書院
創興普育堂立義學
助修縣志掩骼埋骸
又勸各州縣設立常平倉
種種善舉眞足鼓舞昇平
我來適逢其會何幸如之
小住南園掃落葉
廉訪將梓亡友蔣劍人詩文全集屬

余校心
安究竟得無欺

世界花花悟艷禪

余有艷禪圖艷禪曲

酒酣耳熱更怡然
幕天席

地居無室明月清風不用錢
荒逕飽看陶令菊
寶光飛

出米家船

余行篋中常帶古人名蹟以便賞翫

素心過我多同調老夫聞

雞思著鞭

謂曹海林賈雲階余蓮村三君子

十一月十五夜南園翫月

皓月當空照海天人心誰似月光圓
纖雲四卷河無影勝地常新客有緣
頓覺清虛彌宇宙放懷詩酒傲神仙
嫦娥豈悔偷靈藥塵世琴調得幾年

次韻和曹海林

樹珊

廣文見贈之作

宦游陽羨記依稀今剩湖山未覺非
官似梅花偏耐冷人如仙客早知幾
新詩贈我情何厚勝地逢君興欲飛
富貴在天那可强千秋事業屬寒微

十一月二十五日曹海林過訪南園暢談往事有

感賦詩再次前韻

我與君年近古稀詩情酒興未全非間談往事都如夢
太息名流少見幾從古坑人卽陷已由來雌伏勝雄飛
稽康識寡終難免涉世須知顯與微

曹海林惠橘一盤酒一尊詩一首倒次前韻奉酬
晨光何必恨熹微好鳥知還已倦飛種橘坡仙覺春夢
引壺陶令識先幾園亭之築有興廢今昨於儂無是非
紅友木奴拜君賜吟成和韻白鬚稀

大清平匪頌

有序

同治六年十月二十四日李官保

鴻章官兵槍

斃任化邦賊酋於海州城外十一月二十日驅
殺牛遂任定三等賊酋於新城之漲河渾泥亂
軍中十二月初十日擒獲賴汶洸賊酋於揚州
城外灣浜羣兇掃蕩海內乂安不料蓋世之功
如天之喜老年猶及見之幸何如哉於戲前代
帝王有盛德大功必見于謠頌若今謠頌功德
勒之金石玉堂諸彥自能爲之僕何人斯安敢
管窺蠡測然而康衢擊壤曾聞帝力之謠冬日
負暄不禁野人之獻祇知鼓舞昇平那計文辭

工拙頌曰

噫嘻前朝姦民爲妖川沸山搖

聖主登基

聖母扶持良民輔之電掣風驅西寇掃除收復南都擒匪橫
流有賴任牛兇逾蚩尤出沒無常如豺如狼蔓延四方
來如飄風散如飛蓬擊西走東僧王可悲鴟鴞南飛民
其流離李軍出征會剿諸城東南肅清地闢天開晝炳
麟臺功莫大哉盛德之興春臺重登同樂昇平 天

子曰吁賊平民痛周恤是圖康衢老人捷報得聞鼓舞
歡欣海不揚波日暖風和擊壤高歌 帝德如天瑞

慶綿綿於萬斯年

劫餘詩選

卷八

讀上海曹循吏

秦會

傳曹孺人趙氏墓誌銘副都

御史掌陝西道監察御史曹公

錫寶

墓誌銘有感

作歌以頌其德頌曰

漢之循吏唐之直臣曹氏二公今見替人却金清賦公
治莆田豪奴僭妄公劾劉全和珅當路誰敢撓之巡撫
勘獄誰敢爭之強項鐵面一令一吏烈烈轟轟是真男
子天乎冤哉失入被黜猗歟休哉君明臣直死骨冤埋
初辭存證踰制跡露

仁廟追贈於戲噫嘻天道有知史榮

褒詔令得賢妻

名言訓子紡績助夫孺人之德其敬姜乎滄海桑田朝

遷夕變歷劫不磨譙國文獻海林賢裔世守清芬我來
海上出示斯文盟手焚香正襟捧讀彪炳陸離前賢名
作僕何人斯敢贊一辭聊申欽慕謦以頌之

十二月二十一日劉融齋學政熙載過訪海上也

是園作詩贈之

山林鐘鼎雲泥隔歲莫何期遇海隅我喜實心行實事
君辭名宦作名儒英才爭立程門雪明月來從蠶社湖
山谷詩蠶社湖中有明月時際昇平慶同樂謦聞擊壤笑掀鬚時余作平
匪頌就正有道故及之

丁卯除夕南園書懷四首

劫餘到處便爲家那計人生信有涯不向如來求正果
終嫌天女散曇華年衰聞勝輒思訪貧極見書還要賒
乘興揮毫不拘法如縈春蚓縮秋蛇

天恩浩蕩報無由虎口餘生又八秋但願好人行好事
聽憑呼馬復呼牛滄桑變幻等閒歷因果見聞隨筆收
一點靈光期不昧何須苦海論沈浮

爆竹聲喧競過年笑余海上作頑仙奚童鎮日供磨墨
少子終朝爲劈箋衣履來從校書俸酒糕得自賣文錢
脩蛇赴壑尾難掣又誦東坡守歲篇

湛華堂似海天居權當吳門舊敝廬

也是園湛華堂與吳門天空海濶之

居相似亦幻出亭臺兼水石安排筆硯與圖書棲遲福
一奇也地緣非淺夢返家山歲已除窗外寒梅真我友欺霜傲
雪自如如

丁卯除夕口占

分罷兒童押歲錢老夫擁絮獨酣眠平生未做邯鄲夢
榮辱悲歡不我纏

戊辰元旦口占

氣清天朗景佳哉瑞慶今年更大來索笑寒梅梅未放
筆花讓我先春開

次韻和曹海林學博遣懷之作

鴻飛那復計東西

成語

偶得一枝暫寄棲海上屋樓憑

我賞門前鳳字喜人題春蠶食葉聲無間老馬識途津
未迷自笑營巢輸燕子不知何處覓香泥

贈蔡寵九陂尹

錫齡

人只題詩寄草堂

成語

焦桐何幸遇中郎人如渾璞無圭

角句似幽蘭有遠香海市樓臺供眺望春宵燈月合絃

觴談今論古掀髯笑明日同登傀儡場

時約同城外觀劇

王雪香和除夕書懷詩四章奉酬二律

吳門倡和無虛日鶴市逍遙不記年獨與先生慳一面
何期暮景結良緣笑持逸少鼠鬚筆來和東坡蛇尾篇

引我吟竄還鄧尉梅花香裏夢游仙

何必成連海上尋松風流水卽琴音偷閒學少騷人興
歷劫不磨志士心老去豪情寄花柳從來好句出山林
書家不讓懷張輩腕底龍蛇冠古今

君草書絕佳

海上喜晤詩人葉調生

廷琯

別後却寄

滄桑閱歷詩人老海上重逢廿七年何物勞君動吟興

見聞隨筆有新編

君題見聞隨筆五律一首絕佳

吳門詩客散晨星飄泊江湖梗與萍文采風流今已矣
空餘七十二峯青

寄懷于漢卿聳邵伯埭

不見吾甥久淒然悵別離梅花香海角春草綠天涯新
句憑誰選高情繫我思論文一尊酒重把在何時
江上羣鷗散雲間一鶴遊向平未了願白髮更盈頭老
去增君累書來消我憂吟魂繞何處三十六湖樓

戊辰上巳同蔡寵九高昌廟看桃花訪沙子春不
遇作歌紀之

去年踏青海陵城三月三日天初晴吟翁嘉客笑相迎
興酣落筆題旗亭今年踏青黃歇浦三月三日天將雨
一筇雙屐興飛舞那管春風狂如虎板橋行過午潮來
千樹萬樹桃花開此間豈是元都觀花光照耀黃金臺

臺上友人子春子五日一石十日水高廟尋春不見春
惹得桃花笑不已同游幸得蔡中郎文園消渴有茶坊
盧仝七碗喫不得我喫十碗清詩腸劫餘同作天涯客
行樂及時計亦得眼前世界都是花花花世界何悽惻
百年三萬六千朝已過二萬三千五百日桑田滄海幾
變更虎口餘生有何說一生僅得一詩名今者不樂逝
其耄胡琴琵琶聲嘈嘈天風浪浪驅海濤誰來海上釣
六鰲愁見碧眼和紅毛偶談世事心煎熬我生不辰偏
相遭仲蔚祇合老蓬蒿醉鄉可隱禪可逃春光又寄柳
與桃桃柳爭妍人爭豪臨清流兮登東臯賦詩舒嘯樂

陶陶何當挂席出林梢長風萬里同游遨

二月十四夜邀同江陰六子嘉沙梓堂曹蓮卿山
陰趙克齋南昌萬碩卿秀水楊佩甫吳縣方子
厚徐逸生諸君子南園翫月賦詩得長律一章

三十韻

雨霽雲徐歛南園月色新同遊春夜侶總係劫餘人昔
日咸安富今時共守貧滄桑都閱歷筆墨各精神烏鵲
南飛際倉黃北渡辰杜陵思弟妹張翰憶鱸莼年適逢
周甲江猶夢到申蜃樓開幻境棗市閃青燐望眼常穿
日愁腸慣轉輪他鄉悲兔起小港強鷗馴社友推盟主

騷壇定等倫。飢難充畫餅。沸易止抽薪。風掃狼煙淨。陽
回大塊春。重來黃歇浦。再泊上洋津。好友正當路。謂應觀察
濃情招飲醇。欸留湛華室。寄傲釣鰲濱。老鶴時時唳。羣
英日日親。亭臺增氣色。島嶼更嶙峋。不盡登臨興。渾忘
霜露臻。盧茶供七椀。陶酒乏千巡。福地珠宮最。瀛洲滬
瀆真。笙歌喧晝夜。羅綺賽花茵。萬里清光被。九霄虹氣
伸。嫦娥何默默。石丈自閭閻。柳葉垂青眄。桃花點絳唇。
爭妍工媚客。飄落輒黏身。莫論夷和惠。那分越與秦。廣
交天下士。解脫世間塵。暢聚緣非淺。觀摩德有鄰。惜無
三弄笛。何以樂嘉賓。

三月十八日同友人游龍華寺

滿眼春如海浮圖高插天人來衆香國寺溯赤烏年卓
立三尊佛逍遙一散仙龍華今得見亦足證前緣

讀楊珮甫

伯潤

和姚梅伯詠梅詩感作

老友姚梅伯先我歸道山讀君和梅詩令我涕淚潸梅
花依舊發梅伯何時還思之不可得翹首白雲端

三月二十九日爲成兒授室事畢口占二律

向平願已了萬事不關心大夢幾時覺名山何處尋校
書忘歲月覓句得園林多謝枝頭鳥朝朝送好音

明日厨無米今宵月有詩偶然家海上仍舊客天涯妙

繪傳新婦奇書付小兒呢喃梁上燕與我訂心知

送六紫加明經

汝猷入都應試

相逢滬上證前緣翫月看花句共聯金馬玉堂來貴客
蜃樓海市伴頑仙嗟余放鶴閒無事羨爾聞雞快着鞭
此去燕臺當得意恐難忘醉杏花天

題蔡寵九詩稿

湖海論交五十年文翁嘉客散如烟誰知白髮蕭蕭老
得讀風人詩百篇

濟南名士多如鯽未必當時有此才淪落天涯同一笑
相逢莫放掌中杯

題萬碩卿詩稿

頻揩病眼讀君詩，筆健才高氣更奇。
窗戶大開納宇宙，何妨淪落客天涯。

葵與南昌本比隣，不期滬上遇斯人。
吾儕自有千秋在，知否天心重賤貧。

許雷門孝廉

國年

過訪南園贈詩一章作詩酬之

移家海市寄蜃樓，天遣吟翁消我憂。
世事偶談堪痛哭，

芙蓉百韻定千秋。

雷門感時慨事賦芙蓉詩長律百韻絕佳真傳作也

驚籠合借書生坐，龍氣常隨劍客來。
塵世伊誰可當日，

模糊兩眼不須開。

雷門兩目患盲故并及之

金陵報恩塔斷甎破瓦歌

報恩塔出凌蒼蒼誰其建之明燕王燕王篡位有慚德
恩報高后眞堪傷燕子飛來皇孫去經營佛塔亡綱常
歷年四百有餘載千佛萬佛金輝光雕鏤之甎承雨露
琉璃之瓦欺冰霜九層高聳眞得勢詎料危脆無牢強
昔年登塔快遠眺江山勝麗歸詩囊紅巾一炬成焦土
虛空粉碎同阿房豈無嗟歎逢過客時有踐踏來牛羊
江南諸塔慶無恙而此何獨遭奇殃不磨事業貴篤實
虛名焉得長流芳吾兒試畢偶到此荒烟蔓草空徬徨
拾得斷甎破瓦返珍如球璧欣欲狂歸來捧出置座右

五色燦爛騰光芒老子摩挲興不淺攜來海上湛華堂
琢硯供書池不涸溫潤而澤如瓦當幾度欲吟心力瘁
對茲殘物猶慚惶考證無書供獼祭兩眼昏花十指僵
信筆直書忘謗陋塗抹聊成急就章要知此塔建無謂
詩歌何足感興亡土木與人同厯劫劫餘人物悲滄桑
拋磚引玉固所願時索同賦詩瓦缶雷鳴增慨慷

應敏齋廉訪已刊蔣劍人茂才文集屬余校讐題

詩七章

老劍胸中富甲兵懷才未遇困柴荆高談韜畧推同甫
痛哭哀時惜賈生一儼書能崇國體萬言策足答昇

平可憐材大難爲用羸得不磨終古名

集中擬與英使書萬言策二篇

忠義貫日月文章妙千古老劍具此奇才焉得不爲造物所忌未踰大用未展其才惜哉

古人憂患因知字賢者窮愁始著書忠極渾忘犯當軸
憤深都爲憫窮問如椽筆接龍門後似髮心勞虎口餘
削劂遺文眞盛德在天老友感何如

東南流寇尙滔天安得斯人在帥前眼照縱橫億萬里
心通上下四千年禍衡投暗悲撾鼓李泌成功喜學仙
才大如禍遇輸李殘基一著讓誰先

痼瘵在抱立名言誓贈頭顱報

國恩

劍人寄余書有云一顆頭顱不

如何處

方外靈光留楮墨匣中龍氣塞乾坤

劍人少時出家江陰

奉贈

劫餘詩選

卷八

共

名曰鐵岸和尚竿投渤海鼉連釣圖寫空山螽獨捫人

遇異人授劍術

會屬余畫空手把芙蓉玉京去休歌楚些爲招魂

山捫螽圖

落葉紛紛掃不休文章有用定千秋最難身後逢青眼

豈易生前見白頭與可胸中有成竹庖丁目下少全牛

而今誰似斲輪手斤運成風世寡儔

天涯老我鬢蕭蕭憶別吳門十載遙

丁巳春劍人訪余吳門下榻壽鼎齋

盤桓四閱月詩酒倡酬欣樂無極

聯句罰依金谷酒誥

功後追思恍如昨夢可勝浩歎詞聲壓玉人簫當年舞劍攄懷抱此日勘書破寂寥劫

後詩文要君定

劫後余著見問隨筆十卷詩詞十餘卷

空尋三逕更魂銷

論國論守論船攻意與憤言髣髴同

余有壬寅上董琴禹丈薦上勅逆書

與楊蕉隱論造水輪船龜船無益有害書庚申上當事
吳門防堵論畧當事知其善而不能用惜哉立意與老
劍諸議同者居多亦一奇也

編樂府師長慶

余作新樂府兩卷紀西寇
犯江南時事久已刊行

絕口談兵慕

世忠琴劍飄零吾更甚賴君大筆補蒼穹

劫餘詩選卷九

婺源 齊學裴 子治

南園偶成

身世一沙鷗飄飄隨水流紅塵夢未覺又作海天游

孫右卿司馬玉堂和金陵報恩塔斷甓破瓦歌復

用前韵作詩酬之

右卿先生鬢未蒼詩宗蘇李書宗王家藏銅雀自典貴
劫火焚之心暗傷秦甓漢瓦不得見硯材過眼皆尋常
本是玉皇香案吏翱翔海國來觀光十年磨盾事草檄
夜戴星月朝履霜書生戎馬久亦慣年逾五十身猶強

軍務旁午勞筆札那有餘閒攜錦囊韜鈴在抱陳同父
帷幄運籌張子房綸巾羽扇常思亮緩帶輕裘曾侍羊
詩書世業有餘慶孝友家風無厲殃金陵賊滅慶天幸
淮南草木增芬芳我來滬上邂逅遇相見恨晚同徬徨
女蘿松柏天作合右卿氣婦余之寄女斷甑破瓦歌憐狂多君擊
節發高唱吐氣千尺虹光芒頓令斷缺增氣色陽春白
雪何堂堂自慚巴里徒聒耳許以可聽胡能當六朝金
粉一掃地劫灰在手猶驚惶周鼎商彝去已杳品題瓦
缶心寒僵生不辰兮逢浩劫七襄終日難成章弱冠好
事老不倦作詩火速如追亡家人笑我閒無事筆擗恰

似忙蠶桑合把君詩置硯北硯乎硯乎休慨慷

右卿疊韻見答三用前韻酬之

人生出處憑彼蒼何必貴士不貴王生老病死一彈指
達亦何喜窮何傷收拾此心腔子裏涉世無分變與常
出爲名臣處名士德功言立邦家光蒲柳望秋歎搖落
松柏經冬凌雪霜無知草木有區別生爲男兒當自強
虎口餘生有何物田園寥落詩盈囊重游海上何所得
秋水半潭山一房閒籠快放山人鶴持杖閒看蘇武羊
輸他林鳥常知返羨彼池魚未及殃南園作客送春去
落花滿地空徬徨金石圖書歸夢幻詩心酒膽猶猖狂

筆禿無花才久盡劍光射斗寒生芒年近古稀老將至
何日雙溪歸草堂浮萍身世了不願騷壇旗鼓還相當
豈眞餘勇尙可賈大敵當前能不惶三戰三北不我怯
知我年衰身手僵佯狂垢汙逢賞識嬉笑怒罵皆文章
不願抱頭作鼠竄端愁寒齒防唇亡連宵苦雨聽蕭瑟
何時紅日昇扶桑好借笙歌助唼興世事何須談慨慷
右卿約天晴
出城觀劇

苦雨遣懷

梅雨蕭蕭聽未休心無罣礙不知愁鴻飛海上從羣戲
鶴唳雲間快一遊自斷此生天莫問事由前定我何求

笑他在昔貪癡輩醉夢常懷千歲憂

接讀余蓮村手書詩以寄之

飛來片紙感情長古道照人何日忘我在塵中思解脫
君居物外喜翱翔常懷天地好生德獨得神仙不死方
聞道槎回期八月南園同證木樨香

六月席子書寄畫梅并詩見贈次韻寄之

移家海上老成翁羨彼雲間一鶴冲天下幾人知老朽
髮無可白心猶童滄桑過眼了一夢兩腳尙插塵寰中
詩囊而外有何物但覺心境仍春融天茁草莽必雨施
人生何必嗟途窮東山老梅幸無恙飛到南園如轉蓬

明璫翠羽月皎皎一夢喚醒趙師雄得此繁花供細嚼
無求遠勝爲三公老屋疎籬歸不得天涯海角情相同
梅影橫斜詩思逸令人神往東山東

南園秋興八首

老來身世聽沈浮海上蓬壺一望收作畫埋頭還宿債
敲詩叉手趁新秋人能知命心常樂鷺解忘機夢亦幽
萬丈紅塵飛不到此間何事可言愁

用徐逸
生韻

斷續蟬聲不覺譁南園秋色信堪誇白衣蒼狗隨時變
紅蓼綠葵無數花好客自來何用速朝餐漸減強爲加
登高望海攄懷抱無奈蜃樓一片遮

從來大智總如愚交友眞難得一迂萬事蠅營空擾攘

百年駒隙過斯須君能戒酒足無病

謂曹海林學博

我若廢詩

心不娛屈指穿針逢巧節天孫雲錦織成無

用曹海林韻

少無俗韻可談詩除却羊求不我隨酷暑難教脩竹受

新秋先讓碧梧知墻頭月出窺三徑水面風來皺一池

且喜兩家春尙好陽關莫怨笛頻吹

用蔡寵九韻

浮家偶寄築耶城不慕繁華不慕名天上風雲多變幻

人間恩怨太分明兼蒼露白懷良友物換星移動旅情

要學孫登發長嘯恐教三島鳳凰驚

用蔣幼節韻

命纏磨蝎不須論且把奇書下一尊願了向平無俗慮

隱招元亮有荒園生憎砌畔蛩吟苦愛聽林端鳥語溫
安得邀朋遊五岳詩譔散落滿乾坤

六十六年夢一場酒狂不足又詩狂杜陵病肺萎杯杓

李賀嘔心枯錦囊從古至人外生死由來達者齊彭殤

仙山何必求靈藥粉碎虛空是妙方

時余病肺

驅去愁魔與病魔當筵舞蔗起高歌願從詩裏尋生趣
肯向人間喚奈何棲息避風憐海島端居示疾慕維摩
今知涉世無他巧不貴才多貴識多

七夕口占

天上牛女會人間鰥寡多空床當此夕涕泗幾滂沱

未償十萬錢牛女銀河隔一年一度歡昊天眞罔極

題楊佩甫詩稿

南湖有高士兼善書畫詩我來築耶城一見恨已遲
居陋巷中晨昏奉慈闈寶畫供甘旨一經訓馨兒東坡
痛朝雲香山遺柳枝侍硯不久長遠遜君家姬庭中數
竿竹瀟灑饒風姿君日居其中清風習習吹談笑無俗
客遊息有常時不解張四愁端守楊四知訪我南園來
出詩索題辭好句總如仙耐人十日思半載置案頭左
右不忍離及早付剞劂無使明珠遺余年近七十作詩
聊自怡用博知己笑不計世人嗤盡從我遊乎南園近

在斯

南園秋感四首

壯心難已看吳鉤葉落龍川掃未休

余時校刊陳龍川文集未竟

映

水芙蓉工變面臨風脩竹笑搖頭蟲聲四壁誰高枕雁
字一行人倚樓天際烏雲含雨重放翁團扇不禁秋

燕子飛飛西復東劫餘人與燕相同全家愛看中秋月
四海潛迴太古風飲水自甘貧可樂還山未遂道何窮
室人莫說厨無米明日安排聽碧翁

昔年吳市慣吹簫此際申江重聽潮七十平頭差四載
去今到手剩來朝願師豪傑陳同父不慕仙人王子喬

分付漁童理釣具五湖深處好停橈

秋雨連宵凍桂花

八月驟凍俗謂凍桂花

寓齋題壁走龍蛇清風

有意親詩客皓月多情到酒家燈火樓臺呼白墮絃謔
晝夜接紅牙游人休論銷金地鼓舞昇平實可嘉

次韻和賈雲階臥病不寐枕上口占之作

島佛敲推我不如惠然入座好風徐人欽爲善無遺恨
天許工吟賦遂初莫感哀蟬謔落葉何妨磨墨捉蟾蜍
米元章詩好捉蟾蜍共磨墨彩箋書盡江波剪詩思如潮湧滿渠

中秋南園同寵九看月作謔紀之

昨宵風雨愁無月今宵月明呼獨絕天公盛意待詩人

特遣嫦娥作華髮方壺員嶠非人間玉宇瓊樓寒復寒
幾度滄桑經浩劫全家八月慶團圓人言明月隨時有
不是閒者難消受南園容我賞中秋復得吟人蔡寵九
寵九年纔弱冠餘胸中浩氣書五車平生朗抱本如月
見月如得驪龍珠恨無美酒對月酌豪情逸興飛寥廓
靈光直與月華連吐出珠璣驚錯落登山臨水不能休
竟欲梯雲入月遊獨立東臯呼我語客中無此好中秋
我披風帽攜孤筇得得過橋西復東多謝嫦娥不我棄
始信人厄非天窮陽羨園荒月自好主人作客天涯老
今宵玩月倍思歸忘却棲身在蓬島

戊辰中秋邀同許雷門蔣杞生訪孫右卿於仙苑

壯觀齋談詩酌酒醉詞紀之

天公恐我今宵詩不來驅雲出月照樓臺嫦娥恐我今
宵興不鼓送到吟翁孫與許登也有琴設一絃一彈再
鼓神怡然彥也有鷺攜一籠書生借坐行從容松堂清
曠堪小憩書生吐出珍和異霓裳羽衣舞且詞嘉肴旨
酒邀嫦娥酒闌人散夜將半花影滿身忽零亂天涯如
此過中秋遠勝人間萬戶侯一簞一瓢居陋巷祇知歡
樂不知愁清風爲我掃愁帚明月爲我釣詩鉤幕天席
地恣高臥石拾支機作枕頭平生不作邯鄲夢夢與羣

仙天上游吐氣如虹貫斗牛茫然長嘯驚沙鷗人言富
貴有餘樂又言貧賤不堪憂誰知高危滿溢宦途險華
亭鶴唳悲名流當其侯門事奔走折腰低首形如囚奴
顏婢膝寡廉恥殘杯冷炙誇珍羞余不忍爲此態也淵
明乞食真吾儔人生窮達有定命何必穿箭鑽穴爲嘉
猷獨善兼善盡人事用舍行藏非自由不如隨寓而安
適吾適生固欣然死亦得我有一言誰愛聽飽死餓死
同一歸窀穸與其富貴鬱鬱多煩憂那及貧賤欣欣展
胸臆

題鄧完白山人持竿獨立小像并陳寄鶴書帖後

完白山人雲中鶴清遠閒放翔寥廓素君贈鶴山人娛
寄鶴禪關名佛奴高軒一過雙鶴攫無意輪軒反遭縛
山人上書索鶴來吟詩慰鶴鶴低徊鶴壽不知其紀也
一朝化去山人哀雌鶴先導孺人去雄鶴繼控山人馭
山人騎鶴遊太虛天地長留寄鶴書六十六年入我廬
寶光四射如明珠拜觀遺像三歎息一竿一笠適其適
翹望雲中駕鶴仙應憐海上釣鰲客時余館滬城南園海上釣鰲處
贈鄧守之卽送其歸懷甯

君家懷甯白麟坂攜琴海上見恨晚同是東西南北人
苦海清涼登彼岸書工篆隸世無儔橫絕四海步九州

思如輓轡筆如剪詩誨讓君出一頭我客吳門久不還

虎口餘生思故關田荒屋壞歸不得沈郎爲我圖還山

陶筱峯繪余六十四歲小像沈旭庭補還山圖先生見圖發長喟多半詩人困

所遇披圖爲賦還山謠黃海銅官渺何處海山蒼蒼風

浪浪春去秋來兩鬢霜閉戶校書日復日謀生喜爲古

人忙車輪終日轉詩腸虹霓吞吐飢寒忘興酣落筆龍

蛇走不師顛素不師王我適我事時如此年衰不改狂

奴狂黃山白嶽久不見畫谿花浪時留戀兩處先人有

敝廬家徒四壁難安硯手鐫碑懔懔叢書斷缺搜求劫

火餘名心未死身還在一縷詩魂游太虛世味嘗來百

不好高人詩客長在抱讀君惠我還山詩頓令勞人傷
草草佛心仙骨無世情不辭風雨過柴荆小齋何物供
清賞斷簡殘編剩一罌萬言不及一杯水敢望名山與
青史家山笑我夢中還仙句思君從此始秋江渺渺柳
條條客中送別更魂銷滬城南與懷甯北詩筒互寄去
來潮

題石交圖四言詩一章圖寫鄧完白梅伯言兩山
人小像爲鄧守之作

完白山人名曰石如伯言處士名曰石居志同道合隱
爲通儒山人之書鸞翔鳳舞處士之文雲龍風虎山人

戴笠處士攜筇高懷秋爽和氣春融舉頭明月拂面清
風旁有二鶴散步從容啄苔履石對客長言雪飛蓬集
羽化登仙嗚呼噫嘻人鶴俱去剩此畫圖形神如故劫
火不燒神物呵護肖子珍藏大人欣慕圖名石交羣賢
爭賦此隱君子焉用文之名世外沒世稱之皮陸倡
和集著松陵鄧梅契合華表留聲千秋萬歲景仰廉貞
僕亦山人學不干祿處困而亨處貧而樂手鐫碑版充
棟汗牛徧交湖海不事王侯書畫流連詩話倡酬大劫
橫來滄桑屢變鶴薨琴焚空留一硯罵賊不死嗟樓得
生負像出坎庚申之變余負先抱琴登瀛時余館於得

大夫遺像出賊中

見高朋示我先德索我題圖助我歎息詩纔構思門來
佳客急就成章慚愧二石山高水長服之無斂

九月初四日同楊與齡孫右卿蔡寵九登丹霄咫
尺之樓作詩紀之

申江江上有高樓四客同登最上頭海碧天青作良會
風和氣爽正深秋憑闌縱目家千里對榻論心茗一甌
節近重陽休放過題糕相約再來遊

題許也愚先生蕉陰問字圖遺照爲雷門孝廉作
戊辰重九前一日雷門抱圖入我室云是蕉陰問字圖
索我題詩戒勿失披圖颯颯涼風吹蕉陰如幄籠蒼苔

也愚先生坐石臺雷門問字執經來世人讀書不識字
以訛傳訛真堪哀雷門讀書先問字不愧讀書真種子
奎星鳥跡字之原蒼頡造字泣神鬼蝌蚪峒嶮鐘鼎尊
李斯小篆突然起滅盡古碑作小篆欲使俗字欺百世
始皇焚書斯滅字書字遭劫至於此賴有孔壁古文存
幸哉字體昭正始源源本本有自來說文精確推許氏
欲求字學無差訛合讓君家賢喬梓雷門問字究字源
豈是魯魚與亥豕雷門問字祇問疑不比楊雄矜奇異
訓兒老子貌如生問字文即今老矣三十八年一彈指
回首蕉陰淨如洗我今校字在南園終日對讀陳龍川

紛紛落葉掃不盡滿眼蕉林綠拂天憶昔愛蕉號蕉迷
軒窗前後皆種之赤日行天午不知清風徐來搖翠旗
綠陰長罨學書處蕉葉作紙供臨池讀倦拋書隱几卧
不夢鄭樵夢素師夜深獨坐聽雨舫雨珠錯落如敲棊
先子閒居時課兒課兒詩古與文辭命作蕉葉學書賦
口授法度笑掀髯見背於今廿八載此情此景依然在
父書在手蕉久枯祇見桑田變滄海梅花居士第二圖
賊中負出幸何如雷門題詩詩膽麤據鞍顧盼雄萬夫
蕉陰清景索我摹自慚筆秃才更疏生逢憂患未讀書
老去畧識之與無對此畫圖發長吁美玉在前愁玳瑁

呼童煮酒傾一壺
乘醉放筆滿紙塗
是詩非詩渾模糊
我適我事如斯夫
還君圖畫笑相呼
蕉陰舊夢安在乎

次韵和孫右卿寄懷之作

懶殘久不到南園
秋雨秋風靜閉門
老去除詩無別念
縱聞落葉不驚魂

天涯得遇雨吟翁

許雷門孫右卿

身世休論無是公
忙煞蓬頭

一奴子拖泥帶水遞詩筒

九日雨窗遣懷

去年重九吳陵城
城北高樓快一登
今年重九黃歇浦
把酒持螯聽風雨
興酣落筆書杜詩
路難世亂悲流離

我今攜家同作客遠勝少陵老詩伯仰天大笑忘窮通
一醉能令萬事空

遣懷五首

人生貴有骨無骨身其頹有志事竟成天心真可回讀
書學何事立品爲真才晚節守最難窮途心易摧努力
傲冰霜吾師松與梅不見古廉夫死不食嗟來

女爲悅已容士爲知己死女容報一情士死酬一義情
義感人深無往而不利所以古人云知己難逢耳得一
知己者可以不恨矣不我爲貪怯乃知我鮑子

友在五倫中所貴惟一信一諾重千金到死無遺恨晏

劫餘詩選

卷九

三

予稱善交交久而能敬奇疑共賞析學問同精進推解
何足云頭顱亦甘贈一別便相思望之頻開逕我生好
交游以友爲性命浩劫遇紅羊得友避梟獍若非友扶
持何以能無損友義大矣哉同聲必相應

我生胡不辰坎壈多纏身弱冠病魔擾廢學六七春琴
畫以養疴撫摩逢異人三十家難興垂釣桃溪濱弦誦
樂山居梨花香滿林中年悲風木四十入吳門先集付
剗劖鴻寶壽貞珉先志能克成全憑書畫船交游遍湖
海揮灑如雲烟東南好山水一一紀詩篇西寇一朝至
鼓鼙聲厭聞汗牛充棟物半遭劫火焚萬死不得死呵

護如有神一葦浮江去壻鄉居七年石港菊三逕揚州
月二分風驅楚氛淨重作無懷民

天地生萬物雨露無偏施人爲萬物靈天公統扶持辛

苦賊中來手無寸鐵揮南旋逢故人

謂應觀察

深情令我思

南園名勝地容我獨徘徊校讐龍川集落葉掃又來秋

光澹客中菊花爛漫開聞君有退志未必遂烏私海疆

一重地雜處華與夷夷情洽最難此間替人稀我家十

餘口長物一硯池故人倘移節野老誰安之還家無一

錢助我者其誰屢空不改樂顏子吾常師安排聽天公

吾且賦吾詩

庸言

身爲心之奴心爲身之主主養奴以生奴爲主所使寡
欲主則安多事奴則悴主和奴致祥主乖奴致戾主久
出不歸奴放肆無忌主好清虛靜奴自豐暇豫主奴不
相悖物育天地位

人心如白日私欲如浮雲浮雲蔽白日天地爲之昏一
物無所見一步不可行大風驅雲去日復搖光晶正氣
彌乾坤百怪皆潛形人能大割捨心放大光明

上智與下愚私欲難割捨究其所以然未能克己也克
己何以能無如至公者至公便無私無私心不假不假

成真人靈光照上下

壽夭非命定其權人自撿靈光苟不昧千載名難逃百
折心不回精金無此牢刀兵水火中何能損一毫虛舟
無挂碍大海隨波濤天地任低昂乘風快翱翔淵明甘
乞食仲蔚樂蓬蒿古人不可望懷抱何其高

我生性最急作事期速畢看囊無一錢典衣兼質物開
雕帖與書碑版堆盈室白金費數萬未嘗虧衣食良由
心至誠天亦助我力賣書賣畫資一一付剗天公鑒
苦心劫餘存先集子孫永寶之世守慎勿失

爲善貴乎勇辟惡貴乎惕不勇善不爲不惕惡不辟我

生多憂患幸得惕字訣又好爲善舉更敢力不竭爲善
善自成辟惡惡自滅勇惕若倒施身名早俱裂

貴莫貴天爵富莫富多文不朽立有三太上德功言其
人去世久其道終古存若人徒富貴權榮何足論若人
徒死生蜉蝣何足云至人外生死高士避輪軒樂夫天
命者執鞭吾所欣

題曹海林學博海髯載酒圖卽送之官丹徒

昔日蘇髯公載酒游赤壁扁舟泛中流從游有二客舉
網得一魚似鱸而非鮒斗酒謀諸婦醉卧相枕藉作賦
紀勝游墨寶傳鴻迹千載令人思風流世罕敵我友曹

海翁能文兼蓄德酒量勝坡公美髯堪與匹船入荆溪
時意思豁然得如愜平生欲情繼坡公適廿年前校官
曾訪東坡宅東坡有書院陽羨蜀山北我向寓荆溪東
坡像久刻余刻東坡自寫小像於石劫後送置焦山方丈送石入焦山坡仙樂
無極前遊計以年於今歷八百君今官丹徒量才持玉
尺載酒出江游定向焦山泊入寺謁坡仙兩髯適相值
其樂如之何當浮三大白我擬載詩追就君分一滴漚
上送君行南園悵寥寂

仁壽堂雅集歌

有序

同治七年歲次戊辰十月初七日潘君露園胡

劫餘詩選

卷九

五

君公壽設宴仁壽堂邀客賞菊同坐曰本清水
赤城池田青波二客虛谷柳溪二禪師周君存
伯李君王叔姜君石農楊君佩甫謌者潘秀卿
及余十二人爲仁壽堂雅集作謌紀之

風風雨雨日復日悶極必有新詩出故人置酒折柬招
菊花鼓裏爲雅集一花如赤城雲霞燦爛搖光晶一花
如青波綠萍氣色得來多一花如虛谷萬象包羅仗先
覺一花如柳溪手珠一串穿牟尼一花如存伯年未五
十鬚全白一花如石農楊眉吐氣昂蒼穹一花如王叔
維胸二十有八宿一花如佩甫胎仙振翮風前舞一花

如露園滿座春風一笑溫一花如公壽甘谷延年得坤
厚一花如老顛無拘無束作頑仙一花如秀卿年纔十
四何輕盈論交寰宇不論方四海而今真一堂主人好
客具盛饌佳色媚人飛異香靜叅無過艷禪艷嘯傲不
改狂夫狂興酣直欲從海客周流外國東西洋山川人
物廣聞見紀遊詩卷載歸艗五岳之遊尙未踐忽發此
願何能償善哉海客通六義虚心好學詢潯陽赤城筆談問白
居易琵琶行潯陽江在荆髮留髮問何異赤城荆額髮青波額髮不
何處存伯以實告之古風今風道其詳赤城筆談云留髮者詩文書畫
荆故同之古風荆髮者今風傳一豚束髮佩刀遵古裝
聖人在上務柔遠四夷

來服躋

虞唐好在三山尋浩渺

成語

那甘一枕傲羲

皇蜃樓海市工變幻時花美女皆文章酒客醉眠似魚

貫騷人起舞如鸞翔不上揚州騎白鶴偏來海上談紅

羊夜深窗外雨如注淺斟低唱猶未央石農忽發江海

聲鐵笛吹裂何蒼涼

馮小農後至吹笛

一杯在手萬事足酒魔

已到愁魔亡笑他太白胸次窄消愁更愁空舉觴行樂

及時語非妄王喬羨門那可望人生歡樂終有極衣能

露得幾露霜大千世界一花耳色空空色皈空王暑往

寒來等駒隙滬城又見黃花黃明年花開客何處天意

人緣俱杳茫把酒酌花花微笑意謂此老情何長年近

古稀興不淺作詩敏捷如探囊詩中自有無量壽何必
求仙如子房諸公各具千秋筆筆花照耀秋花光我辭
花去詩已就中書君禿增慚惶繪圖作記留鴻寶海碧
天青歌壽康要知此會非偶爾當與西園雅集同流芳